

276. *Hexadesmia confusa* Schltr., nov. spec.

Epiphytica, erecta vel patula, e basi ramosa, usque ad 40 cm longa; radicibus filiformibus, elongatis, flexuosis, glabris; pseudobulbis superpositis, cylindraceis, mox angulato-sulcatis, vaginis paucis alte amplectentibus primum basi obtectis, apice bifoliatis, inferioribus usque ad 6 cm longis, 3—4 mm diametentibus, superioribus multo minoribus; foliis erecto-patentibus, linearibus, apice obtuse et inaequaliter bilobulatis, glabris, 4,5—8 cm longis, medio 0,3 - 0,5 cm latis; floribus singulis vel paucis, apicalibus, fasciculatis, ut videtur succedaneis, vaginis ellipticis apiculatis imbricantibus protectis, erectis, glabris; sepalis ovato-lanceolatis, acuminatis, 0,5 cm longis, lateralibus obliquis; petalis elliptico-spathulatis, apiculatis, sepalis subaequilongis, paulo obliquis; labello e basi brevissime unguiculata circuitu quadrato-oblongo, basi auriculato-cordato, medio subpandurato-angustato, antice truncato, subretuso cum apiculo minuto, marginibus minute crenulato-dentato, textura tenui, 4,75 mm longo, antice 0,4 cm lato; columna brevi, latiore pro genere, c. 2,75 mm alta, hyalino-marginata, pede perbrevis; anthera reniformi-cucullata, glabra, obtusissima; polliniis 6 oblique rotundatis, leviter compressis; ovario cylindrico, glabro, c. 0,7 cm longo.

Guatemala: Epiphytisch im Walde bei Coban, c. 1350 m ü. d. M. — H. v. Türckheim no. II, 2348, blühend im Mai 1908.

Ich erhielt die Pflanze als *Scaphyglottis Behrii* Rehb. f., von der sie aber schon äusserlich recht verschieden ist. Die Art gehört zu der kleinen Gruppe von *Hexadesmia*-Arten, welche den Habitus von *Scaphyglottis* nachahmen.